



Шочмо эл, порылык да чын верч!

Б У Д Ъ Г О Т О В /

48-ше (3748) №,
2025 ий 5 декабрь,
кугарня



0+

1933 ий 1 февраль годсек лектеш.



Изи книгам ушештара

Моткоч мотор, шуко сүретан. Кандаш лаштыкан веле гынат, уверже-е! Ушым пойдара веле огыл, эше пудырата. Тудын полшымыж дене республикысе да пошкудо кундемласе школ-лашке, тўвыра пўртлашке ик татлан «унала» миен толаш лиеш. Туштылан вашмутым чы-лан палышда, шонем. Тиде йо-ча-влакын «Ямде лий» газетышт. Тудым марий ўдыр-рвезе-шамыч, ача-авашт, туныктышышт кажне кугарнян вучат. Теве Параньга район Николашкино тўналтыш школышто улыжат лу йоча (**сним-кыште**) тунемеш. Чыланат «Ямде лий» газетлан возалтыныт.

– Школышто йоча-влак чы-лан марла кутырат. Газетым моткоч вучат. Тудым ме марий йылме урокышто, театр кру-жокекышто кучылтына. «Марла лудмаш» урокышто ойлымышым лудына. Ўдыр-рвезе-шамычын кумылыштым эше викторине, мыскара, йомак, кроссворд савы-рат. Тек марий школысо каж-не йоча «Ямде лийым» лудеш, – ойла школ директор Л.К.Фадеева. Йоча-влак, «Ямде лий» га-зетлан шушаш пелийлан во-залт шуктен огыдал гын, кызыт сай йўн уло. 3-13 декабрьште Россий мучко подписчикын декадыже эртаралтеш. Шул-

дырак ак, 439 тенгеат 68 ыр (Марий Элыште), дене подпи-ским ышташ лиеш.

❶ Смартфон, интернет дене сай йолташ улыда гын, podpiska.rochta.ru сайт дене пайдаланен кертыда. Акше тыгаяк.

❷ «Ямде лийым» кеч-кушто улмыда годым шергалнеда гын, электрон подписке йўнан. Пел-ийлан ак – 200 тенге.

❸ Пытаргыш жапыште шко-лышто тунемше-влак туныкты-шышт гоч альтернативный под-пискым ыштат. Газет школыш то-лаш тўналеш. Акше – 200 тенге.

*Христина АЛЕКСАНДРОВА.
Фотом школ архив гыч налме.*

Подписчик-влак коклаште лотерей модышым эртарена. «Ямде лий» газетлан подпискым почтышто ыштыман да квитанцийжым редакцийшке колтыман.
Тўн приз – сўретлаш набор.

Лотерейын организаторжо – «Марий Эл» увер агентстве» КАУ.



Рекламе.

Самырык шымлызе



28 ноябрьште Йошкар-Оласе историй да археологий тоштер-рыште «VI Малые Евсеевские чтения» регион-влак кокласе шанче-практике конференций эртаралтын. Тушко Марий Элын түрлө районжо, Тюмень область Ишим

ола гыч тунемше ден студент-шамыч ушненит. Ёдыр-рвезе-влак историйым палымыштым, пүртү-сым тўзатымыштым, калык тўвыра деке лишке улмыштым шымлыме пашашт гоч каласкаленит.

Йошкар-Оласе 6-шо номеран кыдалаш школышто тунемше Андрей Авдеев (снимкыште Т.Евсеев лўмеш Калыкле тоштер вуйлатыше И.Г.Якаева дене пырля) «Природа. Экология» секцийыш ушнен. Тудо «Экологическое волонтерство: вклад в восстановление лесов после пожара» пашам темлен. Рвезе кум ий жапыште 1500 наре пўнчым шынден. Нунын кушмыштым эскерен. Конференцийыш ушнышо-влакым ты поро сомыллан кумыланден. Пушенге озымым мландыш кералаш полшышо ўзгар – рудол – дене палдарен. Андрей шке ийготан-влак коклаште 1-ше верым сенен налын.

Оля МАЙКОВА.
Авторын фотожо.

Мыят тыгай лудмашке икымше гана ушненам. Авамын шочмо ялже нерген «Маленькая деревня – большие судьбы» шымлыме пашам ямдыленам. Мыйын вуйлатышем Валентина Николаевна Васильева лийын. Ёдыр-рвезе-шамыч онгай шымлыме пашам эртареныт. Тыгай конкурс шкем калык ончыл-

но ўшанлын кучаш туныкта, шымлаш кумылангда, у йолташ дене палыме лияш йўным ышта.

Конкурсшто кокымшо верым сенен налынам. Ончыкыжымат шымлыме пашаш ушнаш кумылем уло.

Ксения БОГОЛЮБОВА.
Морко, Коркатово.

Кумшо вер

Шукерте огыл Уфа ола гыч пўртылынам. Тушто муайтай дене Урал да Юл кундемысе федерал округлан чемпионатышт да первенствышт эртаралтын. Танасымаште элнан коло регионжо гыч 800 наре ўдыр-рвезе вийжым терген. Мый шке ийготан да нелытан ўдыр-влак коклаште кумшо верым сенен налынам. Тидлан тренерем Д.Л.Текутьевлан кугу таум ойлем. Денис Леонидович дене «Лесной воин» тайский бокс клубышто шуаралтам. Арнялан кумныл гана вашлийына. Кугу кўкшытыш шуына манын ўшанем.

Венера ЛАРИОНОВА.
4-ше номеран Медведево школ.



Российысе увер

Неле илыш ситуацийыш логалше йоча-влаклан У ий пайрем шўлышым пўлеклыме шонымаш дене «Ёлка желаний» всероссийский акций эртаралтеш. Ушнаш кумылда уло гын, 20 декабрь марте йодмашым колтыман. Тўрыс увер – елкажеланий.рф сайтыште.

2026 ийыште «Пушкин картым» кучылташ шонедат гын, 28 декабрь марте йодмашым пуэн шуктыман. Тидым «Госуслуги Культура» але «Почта Банк» приложенийлаште ышташ лиеш.

14 ийым теменат гын, «Я в Агро» всероссийский конкурсыш ушно. «Выбирай будущее» танас лач тыланда келшыше. Йодмашым 21 декабрь марте колтыман. Тичмаш увер – konkurs.svoevagro.ru сайтыште.

Марий Элысе увер

Республикысе йоча да самырык-влаклан В.Колумб лўмеш книгагудо «Символ года – 2026» конкурсым увертарен. Тушко 3-9 ияш йоча-шамыч ушнен кертыт. Паша-влакым 14 декабрь марте колтыман. Тўрыс увер – rubcolumba.ru сайтыште.

Марий йомак ден преданий – Дзеныште. Платформышто «Мамины сказки» документальный проект пашам ышта. Российысе вич регионын йўлажлан пўлеклалтше фильм-влакым dzen.ru/topic/spasibo-mamy сайтыште ончен кертыда.

18-19 декабрьште Йошкар-Олаште «Тўвыраште у» регион-влак кокласе форум шымше гана эртаралтеш. Форумын тўн темыже – искусственный интеллектым тўвыраште да медиаште кучылтмаш.

10 декабрь – Марий тиште кече.

Кугунурышто – «Мотор» газет

Марий Элыште ятыр газет савыкталтеш. Түрлө йылме дене лекше савыктышым ме йывыртен лудына. Южо школыштат газетым ямдылат. Ноябрь мучаште Оршанке район Кугунур школышто «Мотор» газетын икымше номерже лектын. Марий тиште кече вашеш могай куанле увер!

«Знание» россий обществын эртарыме ача-ава-влакын сообществын инициативышт конкурсышто грантым сенен налмылан кӧра ты газет ош тӱням ужын. Кок чолга ава Елена Владимировна Бирюкова ден Анастасия Андреевна Охотникован надырышт поснак кугу. Кызыт школышто «Моторлан» директорын воспитаний шотышто советникше Е.С.Козлова мутым куча.

– Тыгай проект – ача-ава-влакын онай да кӱлешан пашашт. Газетым йоча-влакым тӱшка пашаш ушымо, возымо мастарлыкым вияндыме шонымаш дене лукташ тӱналме. Могай лӱмым пуымо шотышто ятыр жап канашенна. «Мотор» шомак кумылнам савырен, молан манаш гын тудо, эн ондак, марла йонга, рушлат мом ончыктымыж



дене келишен толеш. Газетым савыкташ ятыр оборудованийым налынна. Ты пашамат ача-ава-влак шуктенят. Нунылан – пеш кугу тау, – ойла Елена Семеновна.

Газетым ямдылымаште коло утла йоча пашам ышта. Савыктыш тылзылан ик гана лектеш. Тӱнг редактор, журналист, фотограф, сӱретче, верстальщик улыт. Школысо савыктыш тӱрлӧ лаштыкклан, темылан поян лийпаш. Утларакше школ уверла дене палдарат. Конкурс, тагасымаш, олимпиаде нерген серен, тушко ушнаш таратат. Икте-весе шотым шочмо кече дене саламлат, анекдотым, уш пудыратыше кроссвор-

дым савыктат. Кугу кӱкшытыш шушо выпускник-влак деч интервью налаш шонат. Газетыште, тӱн шотышто, рушла возымо материал-шамыч савыкталтыт гынат, марий йылме нергенат монден огытыл. Ик-

мыняр паша марла лектеш.

– Усталык шӱлышан ӱдыр-рвезе-шамыч лым лийде тыришат. Савыктышым ача-авалан, коча-ковалан, родо-тукумышлан пуэдат. Йоча-влак икте-весе шот деч примерым налыт, сайынрак возаш тунемат, шонем. Кугунур школышто «Мотор» икымше. Тудын ӱмыржӧ кужу лийже! – ойла Елена Козлова.

Христина АЛЕКСАНДРОВА.
Снимкыште: самыркы журналист-влак Вера Нигаматзянова ден Анна Вараксина, фотограф Анна Козлова, тӱнг редактор, верстальщик Анастасия Мухаметова. Фотом школ архив гыч налме.

Эртыме корным шергалын

«Морко мланде» газетын 95 ияш лӱмгечыжлан пӧлеклалтше районысо шымлыме паша конкурс эртаралтын. Тушко районысо тӱрлӧ школ гыч тунемше-влак ушненыт. Мый да вуйлатышем Л.Е.Гурьева «А.И.Букетов – уста



сӱретче, поэт да педагог» теме почеш проектым ямдыленна. 1-4-ше класслаште тунемше-шамыч коклаште икымше верым сенен налынам (снимкыште).

Софья НИКИТИНА.
1-ше номеран Морко школ.
Фотом школ архив гыч налме.

Поян, сылне

10 декабрьште Марий тиште кечым палемдена. Ты пайрем вашеш ушышто тӱрлӧ шонымаш пӧрдеш. Марий йылме могай поян, сылне. Но молан марий ача-аван икшывыже рушла кутыра? Тыште еш титакан, очыни. Йоча шочмек, ача-ава вигак рушла пелештат гын, нбога ончыкыжым кузе марла мутлана? Тиде ик эн кугу йонылыш. Шуко йылмым палет –

уш-акылет сайынрак пашам ышта, школышто вес предметым тунемаш куштылго. Кугу лийына, кеч-кушто илена гынат, шочмо йылме дене кутыраш возжылман огыл. Йоча-влак, йӧратыза, аралыза шочмо йылмыдам. Ме огыл гын, кӧ тудын пӱрымашыже верч тургыжлана?!

Юлия ЯГОДАРОВА.
Советский, Кельмаксола.

Лудаш темлена

• 19 декабрьште Анатолий Бикын шочмыжлан 110 ий темеш. Тудо журналист, писатель да поэт семын палыме. «Аршаш» сборникышкыже кум поэмым пуртымо. Кажныже – изи йоча-влакын тӱняштым почын пуышо торза.



• Руш поэт-лирик Афанасий Фетын шочмыжлан 5 декабрьште 205 ий темеш. Тудо сылнымутан произведенийым йоча-шамычланат пӧлеклен. «Мама! Глянь-ка из окошка...» почеламутшо лач кызытсе жаплан келшыше.

• Мо тыгай Паддингтон? Вашмутым муаш манын, англичан серызе Майкл Бондын «Медвежонок по имени Паддингтон» книгажым лудман. Шонымашдам газет редакцийышке возен колтен керттыда.

Катя СЕРГЕЕВА ямдылен.



Еш – пиал да вий

Еш – тиде илышын негызше. Кажне ешын шке йўлаже уло. Тудо тукум гыч тукумыш кусна. Мыланем авам ден ачам эн лишыл улыт. Авам мемнан верч тырша, түрлө кочкышым ямдыла да неле пагытыште эре полша. Ачай – мемнан аралтышна да энгертышна. Тудо мыйым илышыште күлешан сомыллан туныкта. Чыным йөрата, пеш пашаче. Мыйын эше акай ден изай-влак улыт. Ме шуко жапым пырля эртарена, модына да түрлө сомылым шуктена. Южгунам сырена, но пеш вашке сōрасена. Ешыште вашкыл моткоч пентгыде. Пайремым пырля эртарена, пүртүсышкө лекташ йоратена. Тыгай тат мыланна поснак шергакан. Еш – тиде пиал да вий!

*Елизавета МИХЕЕВА.
Татарстан, Агрыз, Кадрек.*

М

Шайләш – эскераш.
Артык – уто.
Вича – вўта.

Пүртүс кана

Кажне пагытын шке моторлыкшо уло. Шыжат семынже сōрал. Кеч йырым-йыр сур, шапалге түс гынат, чодыраште чон кана: шып, тымык. Пушенге-влак тедылан ямде улыт, нерыше гай койыт. Тушто ынде кайык йўкым от кол. Южо янлык вургемжым вашталтен. Весышт тедылан малаш возын шуктеныт. Тыгай годым пүртүс канышыла чучеш. Мыланем ты пагыт келша. Но мландымбалым ош лум вашкерак леведше, шонем. Тунам эше сōралрак лиеш.

*Александр ИШКАТОВ.
Татарстан, Агрыз, Кадрек.*



Калык усталык пайрем

21 ноябрьште Татарстан Республика Кукмара районысо Уял школышто марий фольклор коллектив-шамычын «Марий сем» регион-влак кокласе фестиваль-конкурсышт эртаралтын. Тудын түн шонымашыже – марий калыкын поян тўвыражым аралаш, вияндаш. Тушко Татарстан Республикасы Кукмара, Мамадыш, Балтаси, Агрыз районла, Марий Эл гыч усталык шўлышан ўдыр-рвезе-влак погыненыт. Меат школна гыч шукын миенна да сенымаш дене пōртылынна (снимкыште). «Сылнымут» танасыште Ксения Дмитриева, Аксар Мамаев, Максим Пименов сенгыш лектыныт. Нине ўдыр-рвезе-влак да тыгак Мария Игнатьева, Росина Иванова, Максим Яковлев, Варвара Дигина театризованный представлений ончыктеныт да икымше

верым сенен налыныт. София Семёнова, Карина Васильева, Дарья Кириллова, Ольга Васильева, Елизавета Сидорова эн мастарын куштеныт да «Калык куштымаш» номинацийыште чыланыштым ончылтенит. Тидлан нуно вуйлатышышт Светлана Валериановна Паниналан тауштат. Мый, «Кроссенс» технологийым кучылтын, «Марий Элемлан – 105» мастарлык классым ончыктенам. Тыгай йөн йоча-влакым марий йылмым тунемаш кумыланга.

«Марий сем» фестиваль калык усталык пайремыш савырнен. Коча-кована-шамычын йўлаштым самырык тукум мастарын ончыктен моштен да тўвырана дене кугешнаш кажне сным таратен.

*С.В.НИКИТИНА.
1-ше номеран Морко школ.
Фотом школ архив гыч налме.*

Авашт лўмеш

Йыванай школышто Аван кечыжым пайремленна. Ўдыр-рвезе-влак лишыл снышт лўмеш чапле концертым ямдыленыт. Визымше классыште тунемше-шамыч (снимкыште) «Марий йоча улам» мурым йонгалтареныт. Йоча жапын моторлыкшылан куанен, марий икшыве улмышт дене кугешнен муреныт. Чылан совым рўж кыреныт.

*НА.БЕЛЯЕВА.
Башкортостан, Балтач.
Фотом школ архив гыч налме.*



Сенгымаш дене куандарат



Кеч-могай уста туныктышо – йочалан сай пример. 3-шо номеран Советский школышто туныкта. Андрей Серафимович ўдыр-рвезе-шамычым ынде 34 ий шуара. Шкеже – телымсе полиатлон дене Российын спорт мастерже. Кызытат ече дене талын коштеш. Йоча-влак, тудым ончен, кугу кўкшытыш шуыт. Нуно, тунемше-шамычын всероссийский спорт модмашыштын регионысо йыжынгыштыже сенен, россияысе таңасымашке кок гана миенит.

– Командыште 2010-2011 ийлаште шочшо куд ўдыр ден куд рвезе (снимкыште) лийыныт. Нуно куштылго атлетике, баскетбол,

волейбол, футбол, ўстембал теннис дене чулымлыкыштым тергеныт. 89 кундем гыч погынышо спорт-смен-шамыч дене таңасаш куштылго лийын огыл. Ёмаште 34 верыште лийынна гын, те-ний – 25-ше. Таңасымаш коло кече шуйнен. Вий-куат, чытыш кўлыныт. Спорт шукылан туныкта да моло аланыштат талырак лияш тарата, – ойла Андрей Серафимович.

Ўдыр-рвезе-влакын районысо, республикысе таңасымашлаште сенгымашышт ятыр. «Белый Мишка» республикысе фестивалыште, «Серебряный мяч» волейбол дене таңасымаште кокымшо верыш лектыныт. 2013-2014

ийлаште шочшо ўдыр-рвезе-влак коклаште баскетбол дене Марий Эл Республикын первенствыштыже призёр лийыныт. «Кэс-баскет» таңасымашын зональный йыжынгыштыже ўдыр-влак кокымшо, рвезе-шамыч кумшо верым сенген налыныт. А районысо сенгымашыже нимучашдыме!

– Школыштына йоча-влак моткоч чолга улыт. Но эн виян спорт-смен-шамычым палемдыде ом керт. Тиде Мария Волкова, Алиса Смирнова, Наталья Шестерова, Полина Ермакова, Кирилл Максимов, Екатерина Васильева. Спортышто нунин корнышт моткоч волгыдо. Тыршат гын, кугу кўкшытыш шуын кертывт, – ойла Андрей Коновалов.

Христина АЛЕКСАНДРОВА.
Фотом школ архив гыч налме.

Ончыко, Зарина!

Мыйын эн сай йолташ ўдырем – Зарина. Ме 3-шо классыште тунемына. Йолташмын дневникыштыже – «4» ден «5»-ан отметке гына. Зарина книгам лудаш йўрата. Аваж гаяк тале спортсменке. Йоча-садыш коштмыж годымак эре икымше лийын. Заринан кызытшым медальже да кок кубокшо улыт. Ёмаште «Вызов Первых» всероссийский таңасымашын районысо йыжынгыштыже сай лектышым ончыктен. Тудлан кўра мемнан школ команде кокымшо верым сенген налын.

Зарина йолташ ўдырем дене кугешнем. Умбажыжат тыгаяк чолга лиеш манын ўшанем. Ончыко, Зарина!



Ульяна САВИНОВА.
Волжский, Пётъял школ пеленысе
Йоча ұсталык пўрт.
Снимкыште: Зарина ден Ульяна.
Фотом еш архив гыч налме.

Виян фигуристка

Мый ўдыр спортсменке-влакын коньки дене мунчалтымыштым ончаш йўратем. Фигурный мунчалтымаш – спортын эн мотор видше. Тушто тўрлў элементым ончыктат, мотор вургемым чият. Спортсменке-шамыч коклаште мыланем Анна Щербакова келша. Тудо 2022 ийыште, Пекиныште, Олимпиадын шўртнў медальжым сенген налын. Анна дене кугешнена.

Софья СОКОЛОВА.
У Торъял, Тошто Торъял.

• Увер •

• Марий Эл гыч фигуристке, Этери Тутберидзен тунемшыже Дарья Садкова Россий Гран-прин пытартыш этапыштыже икымше верым сенген налын.



Педагогике науко кандидат, Россий Федераций общий образованийын почётан пашаенже, Марий Эл Республикысе образованийын сулло пашаенже, Йошкар-Оласе 21-ше номеран Семёновка школышто туныктышо
О.Н.ВАСЕНИНА
ямдылен.

«Марий тиште» урок



1 Мут-влакым марландыза да ойлончым чын чонгыза.

Марий йылме _____ (очень древний) йылмылан шотлалтеш. _____ (две тысячи лет назад) шочын. Ожно тудо _____ (от финно-угорских языков) кугун ойыртемалтын огыл. _____ (марийский народ) иероглиф гай пале-влакым онгашке сүретлен, вашла уверым пуэн. XVIII курымышто руш просветитель-влак марий йылмылан руш алфавитым _____ (приспособили). Варажым марий йылме дене книга-влакым _____ (начали издавать).



2 Ойлончо-влакым мучаш-лыза.

1775 ий 10 декабрьште Санкт-Петербург оласе кевыт-лашке _____.

Грамматикын авторжылан Озангысе архиепископ _____.

Тиде книгаште чылаже тўжем утла _____.

Икымше марий грамматике дене шўдō ий наре ончыкылык _____.

Сандене кызит Марий Элыште 10 декабрьште _____.



3 Фотошто кōмыт улыт? Палемдыза.



5 Диалогым чонгыза.

- Шочмо йылмым палаш кўлеш мо?
- Шочмо йылме палымаш айдемылан мом пуа?
- Вес йылме-влакым тунеммаште шочмо йылме полша мо?
- Тыйын шочмо йылмет могай?
- Школышто тый могай йылме-влакым тунемат?
- Могай йылмым тунемаш тыланет утларак келша?



4 Чын вашмутым пуыза.

1) «Марла календарь» – тиде а) газет; б) журнал; в) альманах.

2) «Марла календарь» лектын: а) ик ийлан кум гана; б) ик ийлан кок гана; в) ик ийлан ик гана.

3) «Марла календарьын» лекме жапше: а) 1907-1913 ийла; б) 1907-1914 ийла; в) 1907-1915 ийла.

4) Икымше номерын тиражше: а) 2200 экз.; б) 2300 экз.; в) 2400 экз.

5) «Марла календарьым» луктыныт: а) С.Г.Чавайн, В.М.Васильев; б) С.Г.Чавайн, П.П.Глезденёв; в) В.М.Васильев, П.П.Глезденёв.

6) «Марла календарьыште» кугу верым налыныт: а) фольклор произведений-влак; б) сылнымутан произведений-влак; в) публицистике сынан статья-влак.



6 Ойлончо-влакым марландыза.

Валериан Михайлович Васильев – первый доктор филологических наук из марийцев. За свою жизнь он написал более двухсот научных статей, пособий и словарей. Валериан Васильев долгое время работал в Марийском научно-исследовательском институте. В настоящее время МарНИИЯЛИ носит имя В.М.Васильева.



7 Тўрлō савыктышым шымлен, йодыш-влаклан вашештыза.

- «Тиште, тамга» мут-влак мом ончыктат?
- Икымше марий грамматике кушто да кунам лектын? Тудын авторжо кō?
- Икымше марий книга кузе маналтын да кунам савыкталтын?
- Икымше марий алфавитын авторжо кō? Кунам лектын?
- Икымше марий букварьын авторжым каласыза. Могай ийыште лектын?
- Икымше марий газетын лўмжō могай лийын, кунам лектын?
- 1928 ийыште лекше «Марий мутерын» авторжо кō?



8 Книга, тамга, тиште, возык-тыш мут-влак дене синквейным чонгыза.

https://vk.com/yamde_lii
<https://t.me/yamdელი>
yamde_lii@mail.ru
yamdელი@mediamari.ru
 (автор-влаккан)
 Сайтын адресше: ямделий.рф

У конкурс



Ирина АНДРЕЕВА.
Звенигово, Кожласола.



Святослав ПОЛИКАРПОВ.
Озан ола.



Марина ИВАНОВА.
Кужэнер, Шудымарий.


«С» буква дене

Сöрал сем

Сотнур селаште – сöрал сем. Сценыште Санюм, Светланан семүзгарышт саламлалтыч. Семым сыл-нештарышт. Салтак Семёнов семжым сайын серен. Семже садланак сөй сынан.

Содыки сарысе салтак сенг-дыме. Совым ситышын со-вышт. Санюм, Светланам, Семёновым сийлышт. Сöрал сем сенгышак.

7-ше классыште тунемше-влак.
Волжский, Сотнур.


Келшыше
ужашым муза.

Т у н ы к-
тышо йо-
ча-влаклан
ш о ч м о

элнан гербше нерген ка-
ласкала да шке школын
гербшым шонаш темла.
Йоча-влак гүжлат, мом
сүретлышаш нерген канга-
шат. Маша ойла:

– Тумнам сүретлена.
Тудо ушан кайык. Ик ча-
паштыже ручка лиеш,
весеыштыже – телефон.

Мария СЕМЁНОВА.
Морко, Эгерсола.



Сүретым ончен,
цифр-влакым ушыза
да чиялтыза.



Меранлан пöрт марте миен шуаш полшыза.

